

天津府縣志輯

天津地方志集成

光緒武清縣志  
光緒寧河縣志

# 中國地方志集成

天津府縣志輯⑥

光緒  
寧河縣志

光緒  
武清縣志

上海書店 ● 巴蜀書社 ● 江蘇古籍出版社

武清縣志

諭旨

康熙三十四年

諭大學士近要兒汲決口及天津以南北二處其相視河之長  
道可開河或違之海或運之決河者其擬之於月間奏開會  
人往視

康熙三十八年十月

上 刑發至北蔡村及南蔡村等處

諭以此三處故上流蔡挑水壩不決也

對岸淤處畧加挑濬水即瀉入直流矣著俟明春興工

雍正七年

諭據怡親王奏河西務河隄漫開附近之田禾廬舍或有被淹  
傷損之處朕心深為軫念戶部速派賢能司官帶帑銀二千兩  
前往悉心查勘賑濟務令各沾實惠

乾隆十九年

諭方觀承奏永定河口南堰以內武清縣屬之王慶坨東沽  
港二村其窪處被淹現有九百四十餘戶此等居民例無賑恤  
但此次被水較甚可否恩准借給口糧等語隄內居民屢經傳

諭該督令其遷移但王慶坨東沽港二村人民稠密且有苦蓋

瓦房歷有年所雖不能遷徙亦應有所界限不可再令附村人

民佔居河地其碎經被水之戶情堪憫惻者加恩令該督按戶

查明借給米糧以資接濟至隄內零星各戶不過草土房間原

非必不可徙該督務遵前旨逐一查明於此次被水給予搬移

之資令其遷移隄外不得姑息

乾隆三十二年

諭前因閱視河淀情形見鳳河有斷流之處於回鑾駐蹕南苑

時令查勘上游疏濬以達河流今據阿里衮等查奏鳳河俱應

行開挖深通已有旨給發帑金及時修濬矣但此三河下游密

係地方官應行經理之事聞其中亦不無淤淺阻塞今上游既

議修治而下游若仍聽其淤梗是尾閘不能暢達疏濬水源亦

屬無益著傳諭方觀承即派明習委員前往查勘

嘉慶十一年

諭襄行簡奏移駐汛員以重河防一摺據稱永定河南北兩岸

嘉慶六年十年俱有新生險工及水刷隄根之處今昔情形實

有不同該著督親往履勘原設汛員不足以資照料等語著照

所請將下游工平之三角淀屬北隄九工武清縣主簿移駐北

岸頭工作為上汎原移上汎武清縣縣丞作為中汎原設下汎  
宛平縣主簿仍為下汎其北九工汎務即歸於七八工兩汎分  
管至應撥河兵及籌款另建衙署等事並著照例辦理

乾隆三十五年

諭據楊廷璋查宛飛蝗起處 係武清東安二縣地面摺內請  
將玩視民瘼之知縣甄克允郭麟紱革職等因該管各員嚴加  
議處等語已交部嚴察議奏

乾隆三十二年二月

諭今日見所設水管外圍席牆概行罷以黃布甚屬非是布疋  
為小民被服所需豈宜妄為耗費即如武清等縣去夏曾經旱  
潦應加恩從優賑恤若留此布為貧民襦袴之用資衣被者不  
知凡幾顧置有用為無用司牧之謂何曾不知體下情承上德  
乎前途有似此者著即撤去

武清縣志

宸章

聖祖仁皇帝

察永定河

源從自馬邑溜轉入桑乾渾流推濁浪平野變河灘廿載為民  
害一特奏效難豈辭宵旰苦須治此河安

看蓮河建壩處

十月風霜幸溢河隔林疏葉盡寒柯岸邊土薄難容水隄外沙  
沉易漲濞波春木淺夫忙用力秋深霖雨失時承往來踟躕臨  
淵歎何惜分流建壩多

高宗純皇帝

遇永定河作

取道開河干浮橋度廣灘汎凌過竹箭水潦未泰乾四載由來

仰尾閘今度看敬絕

仁祖志永定河自皇祖時始為隄障之而賜今名永定異安瀾

乘舟觀永定河下口

夜雪忽已收朝露未云斂策馬遵遙隄永足全勢覽下口欲其  
暢渾流利泛濫前者歎行堵一綫奚歸坎無已籌下策讓地稍

避險中虞徙流移向南聽沁漸乾隆十五年春閏永定河以下  
酒時濬中泓引河而流民占居河中淤地者亦勸導徙就隄外  
年來次第修舉下口益暢矣取道重閘倏已三載徐矣  
今年尾閘閏三歲驚荏苒舍陸命進舟恬波春淪滄雖遜洪澤  
閘微山已不減蕩漾有餘地巨浸乃澄澹慰茲憂即茲積高車  
鑿儼補偏斯不無永逸則豈敢

過武清縣

驅車過雍奴廣甸甚沮如去歲夏行潦此地被災遠永定既決  
隄永定北岸二工因去夏雨水驟漲隄北運亦漫於岸漫武  
村莊亦被淹浸因勅大吏善為撫恤急賑大賑視他處為優今  
春仍降旨加賑幸所見民無菜色且二麥廣種可望有收意為  
稍大田普無收昌以卒歲度是用賑濟施更勅勒宣布黍黍細  
體察老幼歡夾路庶幾免流離未見仍屢慮秋麥亦已茁黍  
云種佈設以此地論懼爾宜積煦雖然彼高田甯無望雨處

往閔永定河輿中作

下河南北任流遷永定河自康熙三十七年築隄之始下口由  
安瀾城後因原道漸淤至三十九年改由柳  
公口雍正三年改由汪慶地乾隆十六年改由永寧草埔二十  
年改由賀老營三十七年改由條河頭針前後遷流六度以水  
害草埔而論康熙間之北隄轉為南隄雍正間之南隄轉為北  
隄以今條河頭而論凡康熙間之北隄均之南隄均之南隄均  
壅則傷多導使宜黎矩耶明別知懼防民之口甚防川

閱永定河下口以示裴白修周元理何增

七十年間六度移即今下口實權宜便徵盈酌虛劑者不過補  
偏救弊斯增則危與資博株何增素習河務於行水稜宜具  
即命危隨閱視焉之行水在無為委源源委勤一再頭工初閱  
下口以資閱訪焉之行水在無為委源源委勤一再頭工初閱  
今復視下口於全河首尾情形墨見梗概茲命裴白修周元理  
何增三人由此尋流而上查至頭工沿河再加謀求斟酌共議  
以同事諸人共助其

觀永定河下口入大清河處

乙亥閱永定熱議移下口堤工由安瀾城入流嗣後下口改由  
柳岔口及王慶坨水密草埔賀老營屢經遷徙總以隄形繁束  
未能暢洩乾隆二十年親臨閱視將下口移今條河頭之南入  
沙家淀南北仍存隄不過遙為守中餘五十里蕩漾任其走水  
散足容沙鳳河清流有以渾會清南入大清河受河下清北  
高培厚運為保障中寬五十里任其蕩漾足以散水容沙自北  
會河而南遂成清流入大清河達津歸海  
幸此卅年來無大潦為咎然五十里間長此安窮久近年夏秋  
未致大潦故水不為害隄外田地歲歲有秋但自己亥改移  
下口以來此五十里之地不免停沙日下因無事數十年後殊  
足良策未見五字誌揚懷忤愧增自醜

珠源寺

圍河本是鳳河源疏釀南流清助澤圍河之源舊稱圍河在黃  
二年重加疏濬開拓出南苑塘礮為鳳河又東南流與永  
定河合藉以刷淤消沙由六清河歸海  
司之惠萬物辨香嘉霽願垂恩

閔筐兒港減水壩

導流還濟運

聖訓久昭垂夏備減漲用春來斷港特酌中誠已善善外不資  
北運河過夏秋漲時藉筐兒港王處勢而減河分洩由輔治河堤七里海入海舊時壩身出水處高於外河七尺以致洩水跌落成坑今論方觀承接築十五丈使坦坡漸下以導其勢敵日繼繩懷安民意厘斯

閔筐兒港河工

減河制誠善日久注為阮前度命修築今來閔接成港春流則

斷漲夏殺其盈原始宣防意本因一篲警

北運殊南運中泓沙底翻賴斯方貯水以披少來源北運河底

兒港迤北有數處尤苦淺停蓄必致一淺無餘是以前年夏潦

過此有人知淺之害未知流之害善及一英一利顯句復虞減漲彼此洩也功成一篲深意視名存

仁宗睿皇帝

閔永定河

河源出山西環繞三輔地永定

錫嘉名常沐安瀾賜下口滙津門遠扶六度置水性在順流壅

障必滋累疏導勝隄防至理誠不易稽古大禹君行其所無事哉

考闡昔謨相度

窮指示就下因勢宣放溜如奔驥茲來閔鉅工保民繼修治聖澤咸深長昭永觀

武清縣志

巡幸

世祖章皇帝

順治八年十一月

駐蹕楊村

聖祖仁皇帝

康熙五年十月

駐蹕標營次日

駐蹕東柏次日

駐蹕樂城村六月十日

駐蹕崔黃口次日

駐蹕西門外八年二月

聖駕進縣東門

名知縣曹際飛問民疾苦隨出西門外進膳八年十月

駐蹕楊村次日

駐蹕縣城西北二十四年二月

駐蹕王慶坨三十五年五月

閔視永定河口乘舟

駐蹕楊村三十七年五月

巡幸道經武清三十八年正月

南巡幸閔河奉

皇太后乘舟由武清之天津三十九年二月

閔河道由武清四月

駐蹕筐兒港

閔隄知縣章曾印奏准以丁字沽稅銀三千兩為修河費四十

年春

閔河道經武清四十一年正月

南巡經武清四十二年五月

南巡經武清三月

回鑾四十二年十月

閔新河

駐蹕筐兒港四十四年二月

南巡經武清 月

回鑾四十五年二月

閔新河入海處經武清

回鑾駐蹕東柏村北四十八年五月

詔諭三十八年三月

閔澆河並永定河下口隄工四十一年二月奉

皇太后巡幸山東由寶稼營登舟四月

回鑾四十九年正月

南巡乘舟經北運河五十三年二月

巡幸天津五十五年二月

東巡回鑾經北運河五十九年三月

巡幸天津經北運河

南巡回鑾入縣東門隨出西門

駐蹕許家莊進膳五十三年三月

水圍行幸

回鑾駐蹕東馬房村五十六年三月

閔北運河至河西務

高宗純皇帝

乾隆三十二年二月

巡幸天津周覽河隄浚閘道出北運河三十六年二月

東巡至寶稼營登舟

歷修縣志姓氏

明萬曆丁亥創修

知縣會稽陶允光

兵部主事許 鉞

國朝康熙乙卯重修

知縣全州鄧欽楨

教諭新安李宸鏞

僉都御史趙之符

貢 生李可楨

康熙辛巳重修

知縣會稽章曾印

教諭大名蘇 達

訓導龍門王象春

山東巡撫李燁

河南僉事趙 珣

貢 生田士璋

乾隆壬戌重修

知縣如皋吳 卬

教諭邢臺張 純

裴強 龍 學

訓導廣宗李挺芳

清河 尹廷樞

檢 討曹 涵

登萊青道趙 晃

光緒七年修志姓氏

監修

知 武 清 縣

總閱

訓

纂修

直 隸 大 挑 知

分纂

揀 選 知

事桐鄉蔡壽臻

導昌黎楊占春

縣仁和錢錫宗

縣邑人許 積



分校

廩生 貢存機 耿光迪 增生 侯福祚

採訪

副貢 孫國梁 廩貢 傅增愷 候選 府經歷 趙克剛

前山 東典史 諸葛澍 候選 都司 王承祚

生員 陳惟士 陳麟士 沈汝霸 李廣心 李湘 衛富琳

曹樹芬 何國賢 李浴 杜元烈 趙鳳書 陳宗寅

李奎壁 周楨 李福元 蕭世源 李春榮 高隆昌

王治瀛 丁之樸 楊學洛 張廷勳 沙國賢 康富曼

沙履康 安鍾琦 王汝霖 段樂山 陳如沂 張永清

田有荷 羅鈞 陸葆真 諸葛夔龍

繪圖

知縣 用 候選 縣 丞陽湖趙 宏

繕寫

書吏 朱椿昌 高葉芬

武清縣志目錄

卷之一

地理志 沿革 疆域 分野 河渠

卷之二

建置志 城池 官舍 公署 學宮 壇廟寺觀附

卷之三上

祀典志 秩祀 羣祀

卷之三下

災祥志

以下列圖五 縣境 縣治 北運河 筐兒港附

永定河 鳳河

卷之三下

物產志

卷之四

田賦志上

卷之五

田賦志下

卷之六

官師志 勳封

邑令

師儒

僚屬

卷之七

選舉志

卷之八

人物志 忠節

仕蹟

卓行

列女

卷之九

藝文志上

卷之十

藝文志下

卷之末

原序 志議

答志議

附記

武清縣志卷之一

地理志

守土之官今日知縣謂知一縣之事也凡疆域之沿革河渠之遷徙風俗之盛衰道里之遠近苟惜焉弗知欲興利除弊與民休息其道蔑由職在守土宜於斯先致意焉

沿革

武清禹貢冀州之域春秋特屬燕國秦屬上谷郡漢置泉州雍奴二縣屬幽州之漁陽郡即茲邑地今城南有泉州故城在焉水經注曰四面有木曰雍不流曰奴故名魏屬范陽郡晉屬燕國後魏屬幽州太平真君七年廢泉州入雍奴縣北齊屬東北行臺隋開皇特屬幽州總管大業三年屬涿郡唐武德初屬幽州總管府貞觀時屬河北道開元間屬幽州節度使天寶元年改幽州為范陽縣更名後唐屬盧龍節度使石晉天福初沒於遼屬幽都府開泰元年屬南京道析津府保大末入於金天輔七年入於宋屬燕山路尋仍入金屬燕京析津府貞元元年改析津為大興府承安三年置盈州以縣屬焉州尋廢元太祖時屬京路大興府至元間升祁陰縣為祁州縣屬焉明屬順天府通州

國朝因之雍正四年正月改屬天津州八月仍屬順天府通州  
六年改屬東路廳八年割縣東南一百四十餘村歸天津縣

疆域

縣治在京東南一百三十里東至寶坻縣界西截村五十五里  
至寶坻縣治一百里西至東安縣界落岱村二十里至東安縣  
治三十五里南至天津縣界蒲口七十五里至天津縣治一百  
二十里北至通州界三岱村三十五里至通州治九十里東北  
至香河縣界二百戶屯四十里至香河縣治六十里東南至天  
津縣界韓勝莊一百里西北至通州界那木鋪二十五里西南  
至靜海縣界九十五里在永興河身無村落東西廣九十里南北袤一百  
二十里

分野

前志云史記天官書尾箕幽州漢書地理志燕地箕尾分野舉  
全州而言也晉書天文志漁陽入尾三度清類天文分野之書  
通州三河武清尾二度舉郡縣而言也則尾星為武清之分野  
無闕於箕星明矣敬誦

高宗純皇帝御製題毛晃禹貢指南詩註詳言分野之說不足  
信故刪前志之繁蕪而姑存其說

河渠

北運河古沽水漢書地理志漁陽沽水出塞外東南至泉州入海原名白河元之運糧  
河也元史河渠志通州運糧河全仰白一曰潞河明白白遂河  
明一統志萬厯間挑深四尺五寸築隄兩岸

國朝因之而河海並運由是達通州馬河自洪廟入縣境經河  
西務蔡村楊村至新莊入天津縣界合衛河入海先是盛漲衝  
決隄岸迨時旱乾又慮淺阻康熙間開減河二道一為下閘口  
在筐兒港別詳於後一為上閘口在黃家務五十四年

聖祖仁皇帝以河西務工程為險要命挖引河因河東舊河形  
對新河下口至三里屯明年子歲要兒渡一帶化險為平雍正

三年大水潰隄四年河西務設同知楊村設通判分置縣丞主  
簿以專修防五年決隄四處七年山水暴至河西務又決

世宗憲皇帝指授方略於河西務上游之黃家務屬香河入  
縣境由樹兒窩出縣境建壩四十丈開引河由青龍灣屬寶坻而注之七里

海所費帑金不下百萬由是運道利濟而沿河居民至今賴焉  
光緒六年河西務同知吳廷斌課兵植柳五萬株於兩岸因  
隄根蔭行旅且以備禦險之用法誠善也

筐兒港減河在縣東南四十里自下閘口入港至草壩建壩河

浚所以分洩運河之水也康熙三十九年

聖祖仁皇帝親臨閱視建石壩二十丈由是楊村上下百餘里賴以永奠雍正六年拓壩為六十丈乾隆三十二年

高宗純皇帝親臨閱視經知縣何名築南北兩隄北岸長三十

餘丈至寶坻縣界南岸長五十丈至天津縣界寬十丈四十五

年河淤奏廢嗣後水勢漫流上馬台等村私築長壩道木南行

名曰壘道道光四年御史邑人王世綬奏請挑築工未竣而歲

二十八年水決長壩舊減河地漸淤村民侵種咸沃壤同治六

年利開減河以北隄為南隄另築北隄令侵種村民出貲分辦

而私開隄堰引水溉田動輒成訟光緒七年天津挑濬韓勝莊

橋以下上游亦撥款疏築仍令村民捐款為歲修費伏汛特派

員撥兵防護盜挖互訟之風自是稍息然因民而利莫若多設

涵洞各閘以其利不尤溥哉附載舊減河侵種村民每畝捐銀十餘畝共捐銀五千兩有奇捐銀取息為挑於培堤並防汛經費以期久遠

永定河源出山西曰桑乾河入直隸宣化府界經保安州東興

塞外之洋河延慶州之媯河合流入宛平縣界至石景山元史作石

徑下注曰盧溝河曰潭河永定之名

聖祖仁皇帝之所賜也河自固安永清東安入武清縣境東流

經黃花店北又東流經又光二光村北穿沙家淀又東南流經

漁壩口穿葉淀達天津縣境入海固安以下向無隄工水勢散

漫數被其患康熙三十七年始築隄挑河南岸自良鄉之老居

務止北岸自良鄉之張廟場起至永清之盧家莊止隄長百八十里河長百四十里至永清之朱家莊

會安瀾城河原名即入三角淀三十九年因安瀾城河受淤復

接築兩堤南岸接郭家務隄尾至柳岔口北岸自盧家莊西

里即今之東改河由霸州柳岔口注太城縣之辛章河入東波

雍正三年又因辛章一帶淀河受淤遂於柳岔口稍北改為下

口南岸自永清之水窩村築隄至王慶坨止挑河入三角淀乾

隆十六年三角淀淤高遂由水窩改河由東舊堤歸入葉淀二

十年永窩河口又淤

高祖純皇帝親臨閱視於東安之賀堯營地面開隄放水改為

下口中間五十里地勢寬廣河流東注任其蕩漾散水均沙東

入沙家淀由鳳河入大清河三十七年因下口年久淤高改由

東安縣之條河頭村南經毛家窪入淀嘉慶六年河徙條河頭

之北入毋豬泊仍由沙家淀入海二十三年河又南徙嗣後長

洶鳳河均淤塞潭水由三河頭橫漫而出經東沽港黃亭等處

廢堤入淀駁駁乎淤至楊芬港滌節矣自康熙三十七年至乾

隆三十七年六次改移下口此後數十年沙積淤停河身漸高去路不暢道光四年侍郎程含章估挑永定河下口至韓家樹止並幫培舊堰堵築河槽以復舊制其時通盤籌計自南六工起挑挖中洪需費五十餘萬兩若樽節由范甌口估辦亦需二十餘萬兩恐糜帑鮮效中止十年總督那彥成由雙口至王慶坨察勘下口淤塞情形自大范甌口河流坐灣處取直估挑引河使大溜直注下口河身繞越王慶坨北數里以外又因南八工以下向本無堤迤東之南遙埝亦多殘缺議接築新堤一千七百餘丈又將遙埝修補並添築埝壩明年工成渾水復歸故道大溜直走中洪永定河續志南八工上汛武清縣主簿管隄長十七里三分編十七號頭號至十四號東安縣境以下武清縣境南八工下汛把總管隄長二十六里八分編二十六號頭號至十八號武清縣境以下天津縣境咸豐八年河勢北徙鳳河為金河去路亦漸淤墊頗為民患同治三年總督劉長佑勘議於柳坨地面挑挖中洪築壩堵截北流引溜歸舊有河形之處計自柳坨至胡家房四十餘里展寬挖深使由又光二光魚壩口天津溝達津入海蓋欲復當年之故道也總之河性踴激善徙易潰水過沙停不時淤塞疏築之外別無一勞永逸之良法是在因勢利導而已

鳳河發源南苑一故泉出開子口東南流經舊那縣為新莊河

至東安之鳳窩集為鳳河或謂其形如鳳故名其始涓涓細流經通州之馬駒橋大興之采育鎮至奶子房入縣境歷上村河漸深廣東南經泗村店又南經南宮東州龐家莊等村西會舊遙埝減河至東蕭家莊入天津縣界為永定河下游滙流遠清之道畿輔安瀾志謂永定之尾閘積潦之去路講求全局形勢舍鳳河別無出之處故今日補加意焉雍正四年查修水利故道填淤曾引凉水河至埝上並挑挖下游藉清刷渾桐林牛三間房等處引水營田各數十頃民甚賴之河舊無隄乾隆五年知縣吳紳建議於柳巷之北南宮之南築堤數百丈帑項不足繼以民捐九年疏淤後十年培東堤嘉慶五年知縣孫樹木修東西兩堤按畝出丁歲仗修防多故涵洞以特啓有碑文後永定河勢北趨東堤數決二十年議者謂下口為永定河之尾閘鳳河又尾閘之尾閘無庸堵築並廢西堤道光二十年民捐修東堤起陳辛莊迄鐵店光緒三年重修西堤泗村店以堤盡處築斜埝開涵洞近以鳳河倒漾下游勢成高仰柳巷一帶村民頗以為患當事者議大舉疏濬之民欣欣然樂觀其成也三角淀在縣南八十里一名筍溝一名葦沟周圍二百餘里即雍奴水也一統志云古惟三角淀最大當西沽之上故諸水皆

會於此雍正四年三次改移下口引永定河入淀達津歸海至乾隆十六年遂淤為平壤

沙家淀在縣南五十里西至教子嘴東至陳家嘴南至二光北至永定河廢北埝約長十里寬八里為容納永定河水之區

朱家淀在縣南五十里沙家淀之東南西連沙家淀東至鳳河邊南至九道溝北至龐家莊長寬約八里亦為容納永定河水之區

葉家淀在縣南六十里半入天津縣界西北接朱家淀東南連

鳳河長寬五六里乾隆十五年永定河改移下口循南堰入淀由鳳河達大清河

母豬泊今稱南大窪在縣南三十里圍廣二十里地勢窪下為滙水

匯歸之區東由瓦口泊入北堰外舊減河為永定河達津之道

龍河在縣西南三十五里東安至穆家口入縣境經六道口民

隄涵洞入永定河嗣隄南漸淤涵洞亦廢由隄防坑小河引入

鳳河

劉家河在縣南七十里

又光在縣南九十里

黃花套在縣南九十里

風俗

節令元旦祀神祭先親明互拜賀元宵為正燈前一日為試燈後

一日為殘燈士女盛服游街謂之走百病二月二月俗傳龍擡

頭以灰撒地謂之引龍端午中秋重陽冬至臘日除雨風尚無

異他處

冠禮久廢女子納聘時加笄俱不行古禮

婚用老嫗為媒取男女庚帖情術士合婚先以羊酒為定禮將

娶納聘俗謂下茶塔必親迎豐儉稱家有無

喪鄉俗多修佛事族亦有違家禮者親識莫購喪家贈以尺布

葬日裹巾相送經過處姻家設路祭

祭清明前數日墓祭屆日仍祀於家新墳於首春戊寅日前祭

掃七月十五日祀先獻麻穀十月一日製冥衣焚之曰送寒衣

他如元日冬至歲除亦皆有祭祭品或用牲體或尋常肴饌視

家貧富

士尚質樸矜氣節恂恂然無把持刁訟之風然邑中科目不逮

昔時是宜有以振興之也

農勤力服田輸租而外綽有餘裕一木一麥之利昔人稱之惟

地多斥鹵易遭水患斫園錯楛科則太收均田之法宜亟講焉

工無專技民風尚質不事造作日用百貨大都來自京都及津門也







